

دائرة مخصوصه

درسمادتده باب على جوارنده

محل اداره :

مشرط القبر

۱۳۲۶

اخطار :

مسلكمزه موافق آثار جديده مع المنوبه
قبول اولنور

درج ابدنه بن آثار اعاده اولنور

ديره، فلسفه، علوم، مفروض، ادبيات و سياسيات و باطامه كرك سياسى و كرك اجتماعى و مدنى احوال و شئونه اسلاميه و نه بحث ايدر و هفته ده بر نشر از انور.

آبونه بدلى

سنه لکى التى آيلنى

ممالك عثمانیه ایچون	۶۵	۳۵	غروش
روسیه	»	۶۰۵	۳۰۵ روبله
سائر ممالك اجنبیه	»	۱۷	۹ فرانق

صاحب و مؤسسلرى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسمادتده نسخه سى ۵۰ پاره در

قبرله دن مقوا بورو ايله کوندريليرسه سنوى
۲۰ غروش فضله آلنير

دوستلریمزك هويتی

فرانسز وانكلیزلك بزم حقمزده بسله دكلی دوستلغك درجه صمیمیت وصفوتی، برطاقم وقایع اخیره مناسبتیه، کرکی کبی آشکار اولدی.

شهر مزده ایکی بویوک مؤسسه مالیه واردر که بونلرک بریسی دیون عمومی اداره سی «دیگری ده» بانق عثمانی» در.

بونلرک ایکسی ده انکلیز، فرانسز سرمایه دارلری ایله علاقه دار اولدقلری کبی، سرمایه دارلرک مملکت مزده الیه ایتیش اولدقلری، ایتک فکرند بولوندقلری منافع مالیه و اقتصادیه نکه ده مرجع عمومیسی درلر. دیون عمومی، معلوم اولدینی وجهله، حیات مالیه و اقتصادیه مز اوزرند بر قوتزول شکلی آلمق و مملکتی دائمی بر اسارت ماده التنده صاقلامق نیقی ایله تشکلی ایتیش بر مؤسسه در. بویله بر مؤسسه نکه موجودیتی شان و حیثیت مله مز ایله نه درجه غیر قابل تألیف اولدینی هر کسجه حس ایدلشدر، ظن ایدرر.

بانق عثمانی به کلنجه، دیون عمومی نکه بر شعبه سی اولان بومؤسسه اوتهدن بری استقراضات عثمانیه نکه مرجع یکانه سی اولمق کبی بر وضعیت قازانمش در. استقراضات عثمانیه نکه، کافه سی یابو مؤسسه ایله ویابونک واسطه سیله وجوده کلشدر. دیمک که بر موقع ممتاز احراز ایدرک مملکتی کنديسینه بر ربه اقتصادیه ایله علاقه دار ایتیش و حکومتک اوتهدنبری سربستی، حرکت اقتصادیسی تضیق ایدر کلشدر. بونکله برابر استقراضاتی آک آغیر شرائط آلتنده قبول ایتیش در. خصوصی تضمینات و تأمینات، آغیر فاضلر، وسائر برطاقم امتیازات.. شرائط مذکور نکه اساسلری تشکیل ایدیور.

بر طرفدن «بانق عثمانی» بویله جه ممتاز بر موقع احراز ایدرک آغیر شرائط ایله حکومته یاره ویرر، دیگر طرفدن «دیون عمومی» شو یارملرک تأدیاتنه تخصیص ایدیلان مناسبع واردات حکومتی تحت اداره و قوتزولنه آلیوردی. ملت و حکومتک حریت حرکتی تضیق، حیات اقتصادیسی تحدید، بتون شئونات مله مز اوزرینه بر دست تجاوز اوزاتمی ایچون نه کوزل، نه قدر ماهر بنالر !..

شایان دقتدر که شو ایکی مؤسسه نفس الامرده یکدیگری نکه شعبه سی اوله رق فرانسز وانکلیز سرمایه دارلرینک عینی نقطه یه، عینی آمله یورومک ایچون الارنده مدعش برر وسیله در.

کوتنی خوش کچیرمک، نه اولورسه اولسون، حتی بر ملت و مملکت ناموس و شانی بهاسنه بیله اولسون، یاره بولوبده خوشجه اصرار حیات ایتک دساتیر اساسیه سندن اولان اداره سابقه بوکی شیلری دوشونمزدی. یاره بولسونده نه اولورسه اولسون، هانکی شرائطه اولورسه اولسون.

لکن مملکتی اسارت سیاسیه دن استخلاص ایدن یکی اصول اداره بوکی اسارتلرک اک عادی واک آغیری اولان اسارت اقتصادی نکه دوامنه روی رضا کوستره مزدی.

بخارایک الحاقی روسیه ایچون ایکی بیوک ضرری مؤدی در: افکار عمومی اسلامیه یی روسلق علیه چویره جکی کبی، افغانستان بالواسطه ایدیلکده اولان استفاده نکه ده قطعی و بوضو رته مملکتی سفیل بر حالده براقه جی شهره سزدر.

چونکه افغانیلر بخارایلر ایله ایتدکلری معاملاتی اجنبی ملت ایله ایتیمورلر. بر بخاری افغانستانک هر هانکی بر کوشه سنه ایسترسه کیده بیلیر، مناسبات تجاریه ده بولونه بیلیر. حالبو که بشقه بر ملت هیچ بر وقت افغانستان داخلنده بخاریلرک نائل اولدینی مظهریته نائل اوله مز. بونک قطعاً امکانی یوقدر.

شیمدیلک شو قدر حق بیانات ایله نویه ورده میا و طرفدارلرینه جواب ویرد که نصره کنديسینه احوال اجتماعی، دینی و تاریخی اسلامیه مدقی سوسی ویرن طاشکند شهرنده «سیرینی آریا» (آسیای وسطی) نامیه نشر اولمقده اولان رساله شهریه نکه نسخ اخیره سندن برنده بخارا حقنده حصر اولان اوزون بر مقاله ده بخارا حکومتک یولسز قلرندن، نظامسز قلرندن و مأمورلرینک بر هیئت جباره دن عبارت ولدیفندن و بخارا حکومتی داخلنده بولان اهالی نکه حدسز، حسابسز مظلومیتندن و مملکتی روسیه یه الحاق ایله روسیه اصلاحاتنک اشد لزومندن بحث اولمشدر. بو دعوالرینی ثبات ایچون فکرینه، خیالنه کان یالانلری، بهتانلری، افتزالری قلمی چیزدیکی قدر یازمشدر. شرع شریفک وضع ایتدیکی قوانین عالیله خلافده اوله رق حرکتده بولان بر طاقم مأمورین جاهله و ارسه و اصول جیایتده تضییقات اجرا اوله رق اهالی یی صوبارلرسه او وقت محرر مرقوم ایله برابر یزده هیئت جباره دیرز، و بوقباحی بخارا حکومتک رأس اداره سنده بولانلر ایله علمای بخارایه عطف ایدرر. علمای بخارا بویله بر طاقم جباره نکه احرا آتنده لاقید قله جق اولورسه دنیا و آخرت مسؤل آلردر. معناسز تعصبور کوستره مکدن زیاده بویله حاللری تقش و تنقید ایتکده بولنش اولسه لر ایدی، اسلامیت و مملکت ایچون ده نافع خداتده بولنش اولورلردی. چونکه علمانک بو خصوصده اولان تکاسلاری بخارای شریفک عمتی احضار دیمکدر. رساله مذکور نکه هیئت تحریریه سی تشکیل ایدن میسیونرلرک ازیحقی انسانیتلری و انصافلری بولنش اولسه ایدی، بو کون طوغریدن طوغری روسیه تحت اداره سنده بولان اوتوز میایون مسلمانلرک نه کی حقوقلره ونه کی عدالتلره مظهر اولدقلرینی دوشونورلردی. صکره ده بخارا و اسلام افکار عمومی سی جریحه دار یدر جک الحاق فکرلرینی میدان آتارلردی.

بتون روس محافل عالیله سیله روس آملانه خدمت ایدن غزته لر اکلامیلرلر که بخارایک الحاقی عالم اسلامک روسلر علیه قیامیدر والسلام. نور علی زاده

غیاث الدین حسنی

مکاتیب

نحوه خواندن مکتوب

من که باشم که بر آن خاطر خاطر گذرم

لطفها میکنی این خاک درت تاجها !

مایه امید من ، مایه افتخار من ، استقبالی که قرانقلرمزك
شمس نورانی ، کره ارض طاعنمش بیچاره یتیم مسلمانلرک بدرلری
منزله لریده اولان ذوات عظام !

سعادت دینی و بشریه مزك اك محکم وسیله سنی حامل اولان
مکتوبکیزك شرف قبوله موفق اولدم .

مقاصد سنی سینه ، کله جکده کی فواید عظیمه سینه واقف اولدم .
کثرت وجد من قلبه شدید بر شادلغك حصولدن مست اوله رق
کوزلرمدن یاش جاری اولغه باشلادی . جریده فریده (صراط المستقیم) ک
ارسال ایدیه جکی مرده سی محفل قلبی عطرلندیردی . قارا کلقده
اولان سرای وجودی ایشقلاندردی . تارمار و خراب اولان عمارت
وجدانی آباد ایلدی .

قشار استبداده ازیش اولان روحه آب حیات سرپدی . اوت ،
افندیلریم ! «مقصدمز سیاسی دکلر ، هیچ بر دولتک طور اغانده
کوزلر یوقدر » بیورم شیدیکز ... بک این ! ولکن باشقه لرینک بزم
طویرا غمزده ، بلکه هر ذره مزده ایکی اولان کوزلری سکر آچیلمشدر .
محومزه وار قوه لرله چالیشیورلر ، علی الخصوص معلومکز اولان
استبداد خطمه آشنا اولوکز کله جکده بر چوق معلوماتی شامل
اولان مکتوبلر تقدیم ایتکی امید ایدرم . و صراط المستقیمک شرف
وصوله بیوک بر شوقله منتظرم .

شیمدی به قدر اورادن بورادن المه کیره رک مطالعه سندن بیوک استفاده لر
ایدیوردم . جوق فایده لی بر جریده مبارکه اولدیغندن اولندن آخیرینه قدر
مطالعه سینه جوق مشتاق ایدم . مقدمات اشتراء و اشتراک کنه مشغول ایدم ، که
مکتوب شریفکیز واصل اولدی ؛ الحق ، اگر دیسم که استحقاقك اك
اعلی درجه سینه مظهر من ، طوغری سویله مشم .

آچیق مکتوب

فاضل متفکر محمد عبده افندی حضرتلرینه

« صراط مستقیمک » ۹۹ نومرولو نسخه سنده « اتحاد اسلام »
سرلوحه سیله تزیین ایلدیکنیز مقاله منقوله کزی اوقودم . عشق انالی
اسلام ایله مشحون اولان قلبکیزك سائنحات لطیف و متینی اولان
اویازیلر فقیریکزده ده بر طاقم تفکرات و تحسینات اویاندیردی . بونلری ،
نقاط نظرلریمزك اتحادی حسیله بینه صراط مستقیم رساله محترمه سنی
واسطه اتخاذ ایدره رک عرضه جرأت ایلورم ..

طوغری سوزلر آچیدر . آجی شیلرده مؤثر در . سوزدنده
مقصود تاثیر اولدیغندن تأثیراب اولانلرک تحمل ایللری ایجاب ایدر .

ایشته بونک ایچوندرکه مالیه ناظری بوکره استقراض عقدی
ایچون آروپایه سیاحت ایدرک حکومت سنییه مؤسسات مذکور دنک
ربقه اسارتندن قور تارمق مقصدیله دیگر مؤسسات مالیه ایله مذاکره
کیریشدی . اوتندن بری عادت اوش اولان تضمینات ، تأمینات
وقونرول اصولی قالدیره رق خفیف بر فائض و نافع بر طاقم شرائط
ایله استقراض عقدی تشبثاته کیریشدی و ، خدا اولسون ، موفق ده اولدی .
ناظر مشار ایله بوندن صکره حکومت عثمانیه نک استقراضاته
قارشى و بره جکی تضمینات و تأمینات یالکیز حکومتك اعتبار و ناهوسندن
عبارت اولاجغنی و قطباً خصوصی و مادی تأمینات و یرمیه جکی
صراحه اعلان ایتدی . لکن فرانسوزانکلیز محافل سیاسییه و اقتصادیه لر
بویله بر فکر جدید ایله اویوشلایا جقلرینی و بوتشک حصوله کله سینه
شدتله ممانعت ایده جکلرینی کندی طرفلرندن صراحه بیلدیردی .

فرانسه مطبوعاتى آرمنده بر مقام ممتاز احراز ایتیش اولان
« تان » غزته سی فرانسوزانکلیز حکومت عثمانیه نک بوکی تشبثاته
مساعده ایده میه جکی ، اوتوزسکزنسندن بری دوام ایدکلن غنعات
اقتصادیه نک ادامه سنی طلب ایده جکی واکر بالفرض پارسده بر مؤسسه
مالیه بولونوبده ترکیا ناظرینک وضع ایتدیکی شرائط اوزره استقراض
عقدینه جسارت ایدرسه عموم فرانسولری بویله بر استقراضه قارشى
بویقوت یانغه دعوت ایده جکلرینی صراحه بیان ایتدی .

فرانسه مالیه ناظری ایسه جاوید بکه یکی شرائط اوزره عقد
ایدیلن استقراض سندرینک پارس بورسه سنده مبادله ایدیه سینه روی
مساعده کوسترمیه جکی آچیقدن آچیغه سویله دی .

تورکجه سی ، فرانسولر و انکلیزلر دیمک ایستیورلر که : عثمانلی
ماتی نه اولورسه اولسون ، نه کی ترقیات کچیررسه کچیرسون . نه کی
اصول ایله اداره ایدیلرسه ایدلسون ، بز شوملکتی دائمی بر اسارت
و تضییقات اقتصادی آلتنده بولوندرمغه عزم ایتمشدر ! ..

فقط جناب حقه شکر که بوکی تعذبات موداسی کچدی . عثمانلیلر
آروپاده کندی حیثیت و شان ملیرله متناسب بر موقع اخذ ایتدیلر .
اسکی دورک بر ایش اولدینی کرک سیاسی و کرک سائر هر نوع اسارات
مادیه و اقتصادییه برر برر قیرمغه عین ثباته عزم ایتشلدر . عثمان
قومی و عثمانلی قوتی بوکون موازنه دولیه ایچون استصغار ایدیه جک
درجه ده بیوکر .

ایشته بونک ایچوندرکه پارسده ولوندرده روی موافقت کورمین
مالیه ناظر من بر اینده ، و یانده کمال شوق و صمیمیتله قبول ایدلشد .
انشاء اه بوکون ، یارین یکی استقراض سنداتک مذکور شهرلر
بورسه لرنده قبول اولدینی خبرینی آلیز .

عدو شود سبب خیر کر خدا خواهد
بینه هر صورتله قزانش بز اولورز ؛ حقیقی دشمنلریمزله
حقیقی دوستلریمزى تفریق ایچون بزه بویله عبرت آمیز درسلرک
اهمیتی بیوکر .